

老子道德經中 「道、一、無、有」關係之考述

蔡宗陽

一、前言

本學期恭聆黃師天成先生講述老子，輒言「老子乃一把鑰匙」，誠哉斯言；蓋老子本為老子，然其學說思想與儒學、佛學、兵學、權謀思想近似，於是後世學者遂有老子與儒學、佛學、兵學、權謀思想之論述，層出不窮。筆者既好文學，又嗜老莊，故朝溫夕頌文學或老莊，輒「怒而讀之，躍然喜矣；憂而讀之，欣然樂矣；躁而讀之，悠然恬矣」。然則史記有云：「智者千慮，必有一失；愚者千慮，必有一得。」愚雖不敏，願抒一得之愚，以就教師友。筆者疑老子道德經中「道、一、無、有」似有相關，故擬就老子道德經中「道、一、無、有」之關係，加以考察闡述。茲先分別臚列道德經中所見之「道、一、無、有」，再將四者毫無關係原文，逐一摒之，而保存與四者有相關之原文，然後深入擗究。不第此也，舉凡與「道、一、無、有」相關而無「道、一、無、有」字之原文，亦酌予引述而闡明之。本文儘量以老解老，是以考察闡述之重點，皆以老子道德經為主，而其他有關資料則參酌運用耳。

二、老子道德經中所見「道、一、無、有」之探討

(一)老子道德經中所見之「道」字，凡三十八章七十六處，今逐錄於后⁽¹⁾：

第一章：「道可道，非常道。」

(1)本文所引老子道德經之章次、原文，以余培林師「新譯老子讀本」（三民書局印行）為主，再參閱學海出版社印行之王弼注「老子」、「帛書老子」，嚴靈峯「老子達解」（華正書局印行）。

第四章：「道冲，而用之或不盈。」

第八章：「上善若水，水善利萬物而不爭，處衆人之所惡，故幾於道。」

第九章：「功成身退，天之道。」

第十四章：「執古之道，以御今之有。能知古始，是謂道紀。」

第十五章：「古之善爲道者，微妙玄通，深不可識。」

第十六章：「知常容，容乃公，公乃全，全乃天，天乃道，道乃久。」

第十八章：「大道廢，有仁義；智慧出，有大僞。」

第二十一章：「孔德之容，惟道是從。道之爲物，惟恍惟惚。」

第二十三章：「故從事於道者，同於道；德者，同於德；失者，同於失。同於道者，道亦樂得之；同於德者，德亦樂得之；同於失者，失亦樂得之。」

第二十四章：「其於道也，曰：餘食贅行。物或惡之，故有道者不處。」

第二十五章：「吾不知其名，字之曰道，強爲之名曰大。大曰逝，逝曰遠，遠曰反。故道大，天大，地大，人亦大。域中有四大，而人居其一焉。人法地，地法天，天法道，道法自然。」

第三十章：「以道佐人主者，不以兵強天下。……物壯則老，是謂不道。不道早已。」

第三十一章：「夫唯兵者不祥之器，物或惡之，故有道者不處。」

第三十二章：「道常無名，樸，雖小，天下莫能臣也。……譬道之在天下，猶川谷之與江海。」

第三十四章：「大道汎兮，其可左右。」

第三十五章：「道之出口，淡乎其無味，視之不足見，聽之不足聞，用之不足既。」

第三十七章：「道常無爲而無不爲，侯王若能守之，萬物將自化。」

第三十八章：「故失道而後德，失德而後仁，失仁而後義，失義而後禮，夫禮者忠信之薄，而亂之首。前識者，道之華，而愚之始。」

第四十章：「反者道之動，弱者道之用。」

第四十一章：「上士聞道，勤而行之；中士聞道，若存若亡；下士聞道，大笑之。」

。不笑不足以爲道。故建言有之：明道若昧，進道若退，夷道若類，上德若谷，大白若辱，廣德若不足，建德若偷，質德若渝，大方無隅，大器晚成，大音希聲，大象無形，道隱無名。夫唯道，善貸且成。」

第四十二章：「道生一，一生二，二生三，三生萬物。」

第四十六章：「天下有道，却走馬以糞；天下無道，戎馬生於郊。」

第四十七章：「不出戶，知天下；不窺牖，見天道。」

第四十八章：「爲學日益，爲道日損。」

第五十一章：「道生之，德畜之，物形之，勢成之。是以萬物莫不尊道而貴德。道之尊，德之貴，夫莫之命而常自然。故道生之，德畜之，長之育之，亭之毒之，養之覆之。」

第五十三章：「使我介然有知，行於大道，惟施是畏。大道甚夷，而民好徑。…非道也哉！」

第五十五章：「物壯則老，是謂不道，不道早已。」

第五十九章：「是謂深根固柢，長生久視之道。」

第六十章：「以道莅天下，其鬼不神。」

第六十二章：「道者萬物之奧。……不如坐進此道。古之所以貴此道者何？」

第六十五章：「古之善爲道者，非以明民，將以愚之。」

第六十七章：「天下皆謂我道大，似不肖。」

第七十三章：「天之道，不爭而善勝，不言而善應，不召而自來，繹然而善謀。」

第七十七章：「天之道，其猶張弓與！高者抑之，下者舉之；有餘者損之，不足者補之。天之道，損有餘而補不足；人之道，則不然，損不足以奉有餘。孰能有餘以奉天下？唯有道者。」

第七十九章：「天道無親，常與善人。」

第八十一章：「天之道，利而不害；聖人之道，爲而不爭。」

張起鈞師將老子之道，分爲天道（形上學）、世道（社會哲學）、人道（人生哲學）、治道（政治哲學）、君道（帝王學）等五種。⁽²⁾ 老人言及天道者，有第一、

(2)見張起鈞師「老子哲學」（正中書局印行），第一〇三至一一七頁。

四、十四、二十一、二十五、三十四、四十、四十二、五十一、六十七章，凡十章。言及世道者，除第八、九、二十四、四十一、七十三、七十七、七十九、八十一章外，尚有第十六、二十二、四十三、四十五、五十八、六十八、七十六、七十八章，前八者有「道」字，而後八者雖無「道」字，然與道有關。言及人道者，除第十五、四十六、五十五章外，尚有第十二、十三、二十、二十八、三十三、四十四章，前三者有「道」字，而後六者雖無「道」字，然與道有關。言及治道者，除第十八、三十、三十一、三十七、四十八、五十三、六十二、六十五章外，尚有第二、三、十九、二十九、四十九、五十二、五十九、六十三、六十四、七十四、七十五、八十章，前九者有「道」字，而後十二者雖無「道」字，然與道有關。言及君道者，除第四十二章外，尚有第七、十七、六十一、六十六、七十二、七十八章，第四十二章有「道」字，而其餘則無「道」字，然與道有關，故彙錄之。

(二)老子道德經中所見之「一」字，凡有八章十五處，今臚列之。

第十章：「載營魄抱一，能無離乎？」

第十一章：「三十軸，共一轂，當其無，有車之用。」

第十四章：「視之不見名曰夷，聽之不聞名曰希，搏之不得名曰微。此三者不可致詰，故混而爲一。」

第二十二章：「是以聖人抱一爲天下式。」

第二十五章：「域中有四大，而人居其一焉。」

第三十九章：「昔之得一者，天得一以清，地得一以寧，神得一以靈，谷得一以盈，萬物得一以生，侯王得一以爲天下貞。」

第四十二章：「道生一，一生二，二生三，三生萬物。」

第六十七章：「一曰慈，二曰儉，三曰不敢爲天下先。」

綜觀上列，除第十一、二十五、六十七章中之「一」非道外，其餘之「一」皆道也。按余培林師於第十章註曰：「『一』指道，二十二章曰：『是以抱一爲天下式』，三十九章曰：『古之得一者』，『一』皆指道。『抱一』，守道之意。」⁽³⁾ 清源

(3)見余培林師「新譯老子讀本」，第三十頁。

子劉驥於第十四章曰：「夫道，一而已，故混而爲一。」⁽⁴⁾ 又成克鞏亦曰：「一者，道也。三者之名雖立，而究竟不可分別，故仍混而爲道。」⁽⁵⁾ 周紹賢亦曰：「道無所不在，包羅萬有，而無象無狀，混爲一體，故簡稱曰一，廿二章所謂『抱一』，卅九章所謂『得一』，以一爲道之別名，皆源於本章之意。」⁽⁶⁾ 鍾應梅於第四十二章詮曰：「道者，一也。一者，道也。道體爲一，道之用在一。故曰『道生』。」⁽⁷⁾ 又蔣錫昌亦云：「道始所生者一，一即道也。自其名而言之，謂之道；自其數而言之，謂之一。」⁽⁸⁾ 由是觀之，則第十、十四、二十二、三十九、四十二章中之「一」，皆指道也。

(三)老子道德經中所見之「無」字，凡三十八章一百一處之多，茲彙錄之。

第一章：「無，名天地之始；有，名萬物之母。故常無，欲以觀其妙；常有，欲以觀其徼。」

第二章：「故有無相生，難易相成，……是以聖人處無爲之事，行不言之教。」

第三章：「常使民無知無欲……爲無爲，則無不治。」

第七章：「非以其無私耶？故能成其私。」

第八章：「夫唯不爭，故無尤。」

第十章：「載營魄抱一，能無離乎？專氣致柔，能嬰兒乎？滌除玄覽，能無疵乎？愛民治國，能無爲乎？天門開闔，能爲雌乎？明白四達，能無知乎？」

第十一章：「三十輻，共一轂，當其無用，有車之用。埴埴以爲器，當其無，有器之用。鑿戶牖以爲室，當其無，有室之用。故有之以爲利，無之以爲用。」

第十三章：「吾所以有大患者，爲吾有身，及吾無身，吾有何患？」

第十四章：「其上不皦，其下不昧，繩繩不可名，復歸於無物。是謂無狀之狀，無物之象，是謂惚恍。」

(4)見嚴靈峯輯校「老子宋注叢殘」(劉驥「道德經通論」，台灣學生書局印行)，第八十三頁。

(5)見潘柏世「老子集註」(龍田出版社印行)，第二十九頁。

(6)見周紹賢「老子要義」(台灣中華書局印行)，第四十四頁。

(7)見鍾應梅「老子新詮」(台灣學生書局印行)，第一三二頁。

(8)見蔣錫昌「老子校詁」(東昇出版事業公司印行)，第二七九頁。

第十九章：「絕巧棄利，盜賊無有。」

第二十章：「絕學無憂。……儻儻兮若無所歸。……颺兮若無止。」

第二十四章：「自伐者無功，自矜者不長。」

第二十七章：「善行無轍迹，善言無瑕譴，善數不用籌策，善閉無關鍵而不可開，善結無繩約而不可解。是以聖人常善救人。故無棄人；常善救物，故無棄物。」

第二十八章：「爲天下式，常德不忒，復歸於無極。」

第三十二章：「道常無名。」

第三十四章：「常無欲，可名於小。」

第三十五章：「道之出口，淡乎其無味。」

第三十七章：「道常無爲而無不爲……吾將鎮之以無名之樸。無名之樸，夫亦將無欲。」

第三十八章：「下德不失德，是以無德。上德無爲而無以爲，下德無爲而有以爲。上仁爲之而無以爲，上義爲之而有以爲。」

第三十九章：「天無以清將恐裂，地無以寧將恐發，神無以靈將恐歇，谷無以盈將恐竭，萬物無以生將恐滅，侯王無以貴高將恐蹶。……故至譽無譽。」

第四十章：「天下萬物生於有，有生於無。」

第四十一章：「大方無隅，大器晚成，大音希聲，大象無形，道隱無名。」

第四十三章：「無有入無間。吾是以知無爲之有益。不言之教，無爲之益，天下希及之。」

第四十六章：「天下無道，戎馬生於郊。」

第四十八章：「損之又損，以至於無爲。無爲而無不爲。取天下，常以無事。」

第四十九章：「聖人無常心，以百姓心爲心。」

第五十章：「兇無所投其角，虎無所措其爪，兵無所容其刃，夫何故？以其無死地。」

第五十二章：「用其光，復歸其明，無遺身殃。」

第五十七章：「以無事取天下。……我無爲而民自化，我好靜而民自正，我無事而民自富，我無欲而民自樸。」

第五十八章：「孰知其極？其無正。」

第五十九章：「重積德則無不克，無不克則莫知其極。」

第六十三章：「爲無爲，事無事，味無味。……是以聖人猶難之，故終無難矣。」

第六十四章：「是以聖人無爲故無敗，無執故無失。……慎終如始，則無敗事。」

第六十九章：「是謂行無行，攘無臂，執無兵，扔無兵，扔無敵。」

第七十章：「夫唯無知，是以不我知。」

第七十二章：「無狎其所居，無厭其所生。」

第七十五章：「夫唯無以生爲者，是賢於貴生。」

第七十八章：「以其無以易之。」

第七十九章：「有德司契，無德司微。天道無親，常與善人。」

第八十章：「雖有舟輿，無所乘之；雖有甲兵，無所陳之。」

以上所列之「無」字，皆與老子之道有直接或間接之關係。

(四)老子道德經中所見之「有」字，凡四十四章八十三處之多，茲臚列之。

第一章：「無，名天地之始；有，名萬物之母。故常無，以觀其妙；常有，欲以觀其微。」

第二章：「故有無相生，難易相成。」

第十章：「生而不有，爲而不恃。」

第十一章：「當其無，有車之用……有器之用……有室之用。故有之以爲利，無之以爲用。」

第十三章：「吾所以有大患者，爲吾有身，及吾無身，吾有何患？」

第十四章：「執古之道，以御今之有。」

第十七章：「太上，不知有之……信不足焉，有不信焉。」

第十八章：「大道廢，有仁義；智慧出，有大僞；六親不和，有孝慈；國家昏亂，有忠臣。」

第十九章：「絕巧棄利，盜賊無有……故令有所屬。」

第二十章：「衆人皆有餘，而我獨若遺……衆人皆有以，而我獨頑且鄙。」

第二十一章：「惚兮恍兮，其中有象；惚兮恍兮，其中有物。窈兮冥兮，其中有精。其精甚真，其中有信。」

第二十二章：「不自伐，故有功。」

第二十三章：「信不足焉，有不信焉。」

第二十四章：「物或惡之，故有道者不處。」

第二十五章：「有物混成，先天地生……城中有四大，而人居其一焉。」

第二十六章：「雖有榮觀，燕處超然。」

第三十章：「大軍之後，必有凶年。善有（或作者）果而已，不敢以取強。」

第三十二章：「始制有名，名亦既有。」

第三十三章：「勝人者有力，自勝者強。知足者富，強行者有志。」

第三十四章：「功成而不（名）有。」

第三十八章：「上德不德，是以有德……下德無爲而有以爲……上義爲之而有以爲。」

第四十章：「天下萬物生於有，有生於無。」

第四十一章：「故建言有之：明道若昧。」

第四十三章：「無有入無間。吾是以知無爲之有益。」

第四十八章：「及其有事，不足以取天下。」

第五十章：「生之徒十有三，死之徒十有三，人之生，動之死地，亦十有三。」

第五十一章：「生而不有，爲而不恃。」

第五十二章：「天下有始，以爲天下母。」

第五十三章：「使我介然有知……財貨有餘，是謂盜夸。」

第五十七章：「法令滋彰，盜賊多有。」

第五十九章：「莫知其極，可以有國；有國之母，可以長久。」

第六十二章：「人之不善，何棄之有？……雖有拱璧以先駟馬……有罪以免邪？」

」

第六十四章：「爲之於未有，治之於未亂。」

第六十七章：「我有三寶，持而保之。」

第六十九章：「用兵有言：『吾不敢為主而為客。』」

第七十章：「言有宗，事有君。」

第七十四章：「常有司殺者殺……夫代大匠斲者，希有不僞其手矣。」

第七十五章：「以其上之有為，是以難治。」

第七十七章：「有餘者損之，不足者補之。天之道，損有餘而補不足；人之道，則不然，損不足以奉有餘。孰能有餘以奉天下？唯有道者。」

第七十九章：「和大怨，必有餘怨……有德司契。」

第八十章：「小國寡民，使有什伯之器而不用……雖有舟輿，無所乘之；雖有甲兵，無所陳之。」

第八十一章：「聖人不積，既以為人已愈有。」

以上所錄之「有」字，或多或少皆與老子之道有關。

三、老子道德經中「道、一、無、有」關係之考察

吾人欲擷究老子道德經中「道、一、無、有」之關係，首先宜洞悉老子之道。王協曰：「老子之道，以自然為來源，以無為體，以有為用。」⁽⁹⁾ 李石岑則以無為體之體，以有為用之體，以道為體之用，以萬物為用之用。⁽¹⁰⁾ 老子曰：「道法自然。」（第二十五章）此老子之道源於自然之明證也。而老子又曰：「天下萬物生於有，有生於無。」（第四十章）老子之道，以無為體，以有為用，詳言之，以無為體之體，以有為體之用，是其證也。是以老子又曰：「無，名天地之始；有，名萬物之母。」（第一章）由是觀之，李石岑以道為用之體，則有待商榷，宜易以天地為體之用較安。誠如張揚明先生所云：「老子認為道體實在太偉大了，無可形容，無可稱謂；但又不能不予形容，不予稱謂；於是只好勉強『字之曰道』。所以『道』，是唯一用以代表道體的。而『無』，只不過用以說明『道』的情形的一種說法而已——就如『大象』『玄牝』『樸』『一』一樣。怎可喧賓奪主，反將『無』當『體之體』，而將『

(9) 見王協「老子研究」（台灣商務印書館印行，人人文庫六五六號），第一頁。

(10) 見李石岑「人生哲學」（地平線出版社印行），第二三三頁。

道』當『體之用』呢？」⁽¹¹⁾

老子之道為何？老子曰：「道可道，非常道。」（第一章）又曰：「道常無名。」（第三十二章）然不言則無以明其道，故不得不言。於是老子又曰：「有物混成，先天地生。寂兮寥兮，獨立而不改，周行而不殆，可以為天下母。吾不知其名，字之曰道。」（第二十五章）此老子對「道」字所下之明確定義，此「道」字有六項特性⁽¹²⁾：

- (一)有物混成——道為混成之物。
- (二)先天地生——道在天地未生之前，先已存在。
- (三)寂兮寥兮——道能靜能動。
- (四)獨立不改——道是無匹偶之絕對，且永久如是。
- (五)周行而不殆——道無所不在，且永遠循環運動。
- (六)可以為天下母——道是天下萬物之根源。

由是觀之，「道」乃實存而常動之絕對體，在天地未生前之「混成之物」。是以老子又曰：「道之為物，惟恍惟惚。惚兮恍兮，其中有象；恍兮惚兮，其中有物。窈兮冥兮，其中有精。其精甚真，其中有信。」（第二十一章）然則天地萬物皆生於有，而有生於無，是「道」在未生天地萬物之前，雖有「道」之存在，然僅為「無狀之狀，無物之象」⁽¹³⁾，且「視之不見，育之不聞，搏之不得」⁽¹⁴⁾，又「迎之不見其首，隨之不見其後」⁽¹⁵⁾，是以此「道」仍為玄妙虛無。而老子之「無」，並非「一無所有」之「虛空」或「烏有」；而是「有」而不可見，是「道隱無名」⁽¹⁶⁾之「隱」；是實存而為視、聽、搏所不能感知之意，此猶如老子「混而為一」⁽¹⁷⁾之道也。職是之故，老子又曰：「道生一，一生二，二生三，三生萬物。」（第四十二章）至

(11)見張揚明「老子學術思想」（黎明文化事業公司印行），第三十四頁。

(12)參閱嚴靈峯「老子達解」（華正書局印行）附錄，第五三五至三六頁。

(13)見老子道德經第十四章。

(14)見同註(13)。

(15)見同註(13)。


(16)見同註(13)書，第四十一章。

(17)見同註(13)。

於老子之「一」，衆說紛紜，見仁見智，或以一爲氣，以道爲理⁽¹⁸⁾，此本乎理氣二元論之說；或以一爲太極，以道爲無極⁽¹⁹⁾，此本乎易經太極圖之說。筆者以爲蔣錫昌之說比較中肯，且合乎以老解老之意，其言曰：「道始生者一，一即道也。自其名而言之，謂之道；自其數而言之，謂之一。三十九章：『天得一以清』，言『天得道以清也』，此其證也。然有一即有二，有二即有三，有三即有萬，至是巧曆不能得其窮焉。老子一二三，只是以三數表示道生萬物，愈生愈多之義。如必以一二三爲天地人；或以一爲太極，二爲天地，三爲天地相合之和氣；則鑿矣。」⁽²⁰⁾不知博雅師友以爲然否？

四、結 論

老子之「道」原於「自然」，而「道」生「一」，「一」生二，二生三，三生「萬物」，「萬物」來自「有」，「有」生於「無」，「無」生「天地」。若以體用而言，則「自然」之體爲「道」，「自然」之用爲「一」；而「道」體之體爲「無」，「道」體之用爲「天地」，「一」用之體爲「有」，「一」用之用爲「萬物」。茲將老子道德經中「道、一、無、有」之關係，繪一簡圖以作結，其圖如后：



(18)見同註(3)書，第七十六頁註釋。余培林師曰：「以理氣二者來說，『一』就是氣，『道』就是理，『道生一』就是理生氣。」

(19)見張默生「老子章句新解」(樂天出版社印行)，第五十六頁，字解曰：「『道』，指『無極』言。『一』，指『太極』言。」

(20)見同註(8)。

參 考 書 目

- | | | | |
|--------------|-----------------|------------|---------|
| 音注河上公老子道德經 | 呂祖謙重校 | 廣文書局印行 | |
| 老子王弼注 | 王弼注、石田
羊一郎刊誤 | 河洛圖書出版社印行 | |
| 老子道德經 | 四部叢刊初編
縮本 | 台灣商務印書館印行 | |
| 老子帛書老子 | | 學海出版社印行 | |
| 帛書老子 | | 河洛圖書出版社印行 | |
| 老子宋注叢殘 | 嚴靈峯輯校 | 台灣學生書局印行 | |
| 老子引得 | 蔡信發師編輯 | 南獄出版社印行 | |
| 老子學術思想 | 張揚明 | 黎明文化事業公司發行 | |
| 老子章句新解 | 張默生 | 樂天出版社印行 | |
| 老子哲學 | 張起鈞師 | 正中書局印行 | |
| 新譯老子讀本 | 余培林師 | 三民書局印行 | |
| 老子達解 | 嚴靈峯 | 華正書局印行 | |
| 老子集註 | 潘柏世 | 龍田出版社印行 | |
| 老子要義 | 周紹賢 | 台灣中華書局印行 | |
| 老子新詮 | 鍾應梅 | 台灣學生書局印行 | |
| 老子校詁 | 蔣錫昌 | 東昇出版事業公司印行 | |
| 老子研究 | 王 協 | 台灣商務印書館印行 | |
| 人生哲學 | 李石岑 | 地平線出版社印行 | |
| 老子的道 | 曹國霖 | 建設 | 第八卷第四期 |
| 老子的道字研究 | 杜而未 | 民族學術研究所集刊 | 第三十二期 |
| 析論老子的道 | 趙玲玲 | 哲學與文化 | 第三卷第十二期 |
| 老子「無」與「有」之解析 | 陳 拱 | 東海學報 | 第二卷第一期 |